



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

VIII. Conceptio Virginis. Sapientia ædificavit sibi domum, excidit columnas septem. Prover. 9 v. 1.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

in manu solius DEI positas esse sortes  
tuas per totam æternitatem : hoc si  
scias, qui fieri potest, ut cum ullius gra-  
tia contempnas? aut illi non servias eâ,  
quæ decet, fidelitate? En igitur, quàm  
stricta intercedat connexio inter verba  
ista : *Non accipiam personam viri, &  
DEUM homini non æquabo.* & illa, quæ  
videntur non ad eò connexa : *Nescio  
enim, quam diu subsistam & si post modi-  
cum tollat me factor meus.*

4. Considera, si ulli unquam apte  
conveniebant hæc verba, utique fuisse  
magnum illum Archiepiscopum, quem  
hodie veneramus, Divum Ambro-  
sium, an nescis, quanto animo ille se  
opposuerit Imperatori Theodosio,  
Principi aliàs tam gravi, tamque pio,

quando ob crudelitatem exercitam in  
Theſſalonicenſi ſtrage illum etiam  
templi aditu prohibuit. Cogita igitur  
iſta fuiſſe verba, quæ tantum animi  
inſpirârunt : quis ſcit, an non iis etiam  
ſit uſus in hoc ipſo actu, quem audiſti?  
ſi non iſta, certè alia protulerit his non  
abſimilia. Tu illa in promptu habe  
quavis occasione, quæ ſe offerat ; & ſi  
magno animo velis ſuperare reſpectus  
humanos, ſtarim dic intra te ipſum.  
*Non accipiam personam viri, & DEUM  
homini non æquabo.* & ſi hoc ad eos  
promptè ſuperandos non ſufficiat, per-  
ge, & dic : *Nescio enim, quam diu ſubſi-  
ſtam, & ſi poſt modicum tollat me  
factor meus.*

\* \*

## VIII.

## Conceptio Virginis.

*Sapientia ædificavit ſibi domum, excidit columnas ſeptem.* Prover.  
9 v. 1.

1. Considera communi Patrum sen-  
ſu intelligi per Domum, de qua  
hic ſermo eſt, Mariam Virginem, jam  
inde ab æterno electam, ut eſſet magna  
DEI Mater. Nota proinde, quomo-  
do loquatur. Deſcenſurus in ter-  
ram hæc dubiè domum ſibi delegit,  
ſed non delegit, ut dici ſolet, pretio  
conductam, aprando mulierem quan-  
dam ordinariam ad hoc grande Matris  
officium. Potius eam ſibi fecit : *ædi-  
ficavit.* hoc eſt, fecit quidem, ſed non

ut res ceteras creatas, quaſi nullo ope-  
ris ſui ſtudio : *Ipe dixit, & facta ſunt.*  
fecit cum designatione, cum industria,  
architectura, regula : *ædificavit, & cui?  
ædificavit ſibi.* non ædificavit, ut eam  
alteri locaret, ſed pro ſe tantum, id eſt,  
ut ſuum eſſet diverſorium, ſuum rece-  
præculum, atque ad eò Domus digna  
DEO, in qua nemo alius unquam ha-  
bitavit, ſicut enim fieri voluit filius  
Mariæ, ita etiam eſſe voluit filius Uni-  
cus. quo poſito an non eam ſibi effor-  
mare

Bbb bbb 2

mare studuerit cum omnibus perfecti-  
onibus, prerogativis & dotibus, quæ  
possent reddere magis amabilem? Non  
est Monarcha, qui, dum agitur de fa-  
brica, maxime de sede sua Regiâ, par-  
cat sumptibus. & tu credes diversum  
tenuille modum agendi Verbum Æ-  
ternum? Imò ideo hoc loco potius  
Sapientiæ nomen sibi tribuit, quàm  
quodvis aliud, *Sapientia edificavit sibi  
domum*, ut intelligas hac maxime u-  
sum, tanquàm supremum Architectû,  
in fabricâ tam pulchrâ, ut ab ea arce-  
ret, quidquid esse potest imperfectum,  
distorum, & indecorum, imò modis  
adornaret tam præclaris, ut demum  
appareret opus esse factum ad dandû  
sua specimen Sapientiæ. Quod si ergo  
alia deesset regula metiendi dotes in-  
effabiles & privilegia Mariæ, ista suffi-  
ceret, si audias eam ædificatam à Sapi-  
entiâ, & unicè ædificatam pro domo  
sua non alterius. *Sapientia edificavit  
sibi domum.*

2. Considera, qualis ille futurus  
esset Princeps, qui structo sibi sumptu-  
oso Palatio, sineret deinde ante suum  
ingressum illic habitare quendam su-  
um proditorem, transfugam, perduel-  
lem, & hanc suo adeò infami illud in-  
ficere. Imò tantum abest hoc à quo-  
quam permitti, ut hanc faciem homi-  
num nec ad mille milliarum propinqua-  
re sustineret. & crederet quisquam,  
cùm Verbum Æternum Domum sibi  
struxerit adeò pulchram, qualis est  
Virgo, & unicè pro se struxerit, passu-  
rum deinde, ut ante se illud inhabitet  
proditor suus diabolus, nec inhabitet

duntaxat, sed ejus adeat possessio  
vi peccati, quod originale vocatur  
Istud sanè credibile videri nullâ ra-  
one potest. quo enim modo hanc des-  
moni relinquere possessionem poterit?  
an necessitate compulsus, an libera ele-  
ctione? si necessitate: ergo tantum non  
habuit virtutum, ut posset impedire. Si  
electione: ergo tantum non habuit  
erga Virginem amoris, ut vellet. & est  
qui ultro concedat hoc absconditum  
cunquæ gravissimum? *Sapientia ædi-  
ficavit sibi domum.* Creandum quæ-  
ritur, qui eam pro se fabricavit, eam mole  
quoque voluisse. & si ferre non potuit,  
ut post se ad illam demon accederet,  
quomodo ferre potuit, ut illam ante se  
incoleret? Sapientiæ erat sibi fabricare  
domum tam dignam, Providentiæ ab  
omni hostili incurfu eam tutam. *Sapientia  
ædificabitur domus, & Prudentia in-  
habitabitur.* Prov. 24 v. 2.

3. Considera, quò domus quibus-  
di magis fieret spectabilis, discepta-  
tiam in ejus structurâ multas erexit  
columnas, quæ illam sustinerent lu-  
mul, & exornarent. *Excelsæ colom-  
nas septem* hoc est, placimaz, modo lo-  
quendi frequenter usitato Scripturæ.  
*Anima viri sancti enunciat aliquando  
vera, quàm septem circumspiciunt  
sedentes in excelsis ad speculandum.*  
Eccl. 37. v. 18. *Iste columnæ erant vir-  
tutes, quæ ornabant animam Virginis.*  
porrò quis explicet, quot ille tutatus?  
fuerunt universæ, hoc enim patet in  
sacris paginis indicat vox *septem.* Per  
*septenarium numerum Universas de-  
signatur.* Ita est, virtutes omnes de-  
nig

nique ad suas reducuntur species, quæ  
 eidem sunt septenæ, si strictiore sensu  
 accipiantur. & ideo pariter hoc sensu  
 septem recensentur, non septem nu-  
 mero, sed differentiâ: deinde septem  
 istæ sunt virtutes primariæ, à quibus  
 omnes aliæ promanant. Tres Theo-  
 logicæ, Fides, Spes, & Charitas, quæ  
 plusquam humanæ, vel Divinæ vo-  
 cantur, quia sunt virtutes propriæ ho-  
 minis, proutis vi elevationis factus est  
 Divinæ consors naturæ: & quatuor  
 Cardinales, Prudentia, Justitia, Tem-  
 perantia, Fortitudo, quæ sunt virtutes  
 dictæ humanæ, seu morales, quia  
 sunt virtutes propriæ hominis juxta  
 statum suum naturalem, non eleva-  
 tum. Itaque omnes istæ non erant in  
 Virgine, ut in nobis, vacillantes, sed  
 firmæ, & stabiles, atque idcirco Co-  
 lumnæ appellantur: *Excidit Columnas  
 septem*, quia nunquam motæ sunt loco  
 suo, sed potius quamprimùm stabilitæ  
 per confirmationem in gratia, quâ  
 magis permanens, & eximia nequeat  
 inveniri, ut vel ipsum excluderet fom-  
 item. *Ego confirmavi columnas ejus.*  
 Pl. 74. v. 4. Cum columnas aspicias  
 adedò speciosas, quid superest, quàm  
 ut earum amore accendaris? attende il-  
 las, contemplare, & videbis in earum  
 qualibet signata incomparabilia quæ-  
 dam opera Mariæ, quarum alia perti-  
 nebant ad Fidem, Spem, & Charita-  
 tem, alia ad ceteras virtutes suprâ me-  
 moratas. Eas admirare, ama, ex-  
 osculare labris cordis devoti, in te ipso  
 exprime. æquum sanè est laudare vir-  
 tutes Virginis, æquum amare, æqu-

um admirari, sed æquissimum eas  
 imitari.

4. Considera sapientiæ hinc non ad-  
 scribi specialiter, quod manu suâ tales  
 columnas elaboraverit, vel erexerit,  
 vel exornaverit: adscribi potius, quod  
 exciderit. *Excidit columnas septem*,  
 ut constet, de qua vena illas sumpsit,  
 venâ scilicet tam pretiosâ, tam rarâ,  
 ut opus fuerit solius sapientiæ increatæ  
 illas in abditissimis investigare fodinis.  
 Hinc est, quod virtutes aliis commu-  
 nes in Virgine conditionis essent adedò  
 heroicæ, adedò præcellæ, ut ordinem  
 constituerent superiorem illo, in quo  
 eas Iusti alii solent possidere. at si ita  
 res habeat, quis credat Virginem à  
 Deo comprehensam communi pacto,  
 quod fecerat cum Adamo, ut ab ejus  
 obedientiâ cunctorum felicitas pen-  
 deret posterorum: siquidem illa habi-  
 tura erat tantò majorem fidem quàm  
 Adamus, tantò majorem Spem, Cha-  
 ritatem, Prudentiam, Justitiam, Tem-  
 perantiam, Fortitudinem, quàm A-  
 damus, nec solùm majorem actu, sed  
 habitu, ita, ut ob perfectionem ejus  
 propriam virtutibus posset longè faci-  
 lius adimplere totam exactissimè le-  
 gem Divinam? Hoc est argumentum  
 maximè verisimile, quo demonstratur  
 B. Virginem Christi causâ, cujus de-  
 bebat esse dignum opus, eximendam  
 fuisse à communi sorte, ut & ipsa de-  
 penderet à constantia Adami, multi  
 fortè ex capitibus optandâ aliis, sed  
 non illi. Tu quid agas, nisi ut toto  
 corde exultes cum Maria Virgine ob  
 electionem ejus factam ad talem sta-  
 tum

tum, quo Domini sui esset Mater: unde si tot aliæ in eam manarunt prerogativæ, facile potes judicare, etiam istam manasse, ut sine peccato conciperetur. Aliàs qualis, quæso, fuisset ista proportio etiam in primis describendis lineamentis. illi in secundo vi-

tæ suæ momento virtutes conferretur, eò singulares, ad eò sublimes, & in primis permisisse, ut primo instanti esset filia Iræ? *Columna aurea super bases argenteas*, ait Dominus & non super *luteas*. Eccl. 26. v. 23.



IX.

*Maledictus homo, qui confidit in homine, & ponit carnem brachium suum, & à Domino recedit cor ejus.* Jer. 17. v. 5.

1. **C**onsidera, quoties te fefellerit fiducia, quam in hominibus reponere, quin etiam nun respicias. Vide ergo, an non ista saltem verba sufficiant, ut demum hodie ab illis abstractam in Deo colloces. *Maledictus homo, qui confidit in homine, & ponit carnem brachium suum.* Duo sunt, quæ movere te possint, ut spem tuam fundes in auxilio hominum, primum est eorum fidelitas, alterum potestas, quippe si crederes eos dare non posse bonum illud, quod desideras, aut dare nolle, non obstantibus amplissimis promissis, quæ fecerunt, in iis neutiquam sperares. Jam igitur his, qui spem suam fundant in eorum fidelitate, hinc dicit Propheta: *Maledictus homo, qui confidit in homine.* & iis, qui fundant in potestate, subjungit: & *ponit carnem brachium suum.* & tu patieris in corde tuo hospitari fiduciam, quæ secum affert maledictionem recipienti?

2. Considera, vocem maledictionis in proposito nostro tres habere sen-

sus posse, prænunciandi malum. *Maledicti, qui declinant à mandatis tuis.* Pl. 118. v. 21. imprecandi malum. *Veni & maledic Jacob.* Num. 23. v. 7. & mittendi malum: *Cum respiceret, vidit eos,* hoc est, *pueros parvos,* & *maledixit eis in nomine Domini.* 4. Reg. 1. v. 4. triplici hoc sensu iustitiam vult Propheta, ut ostendat, quomodo sit maledictus, qui suam in homine fiduciam reponit. 1. ut Propheta maledicendo talibus malum suum augeret. quid enim prælagiri poterit in hoc ætiosum illi, qui nititur fide hominum adeò fallaci, aut potestate hominum adeò infirmâ: fallacem esse cupiditatemque hominis fidem, manifestum est quia is nimis est natura volubilis & *omnis homo mendax.* Pl. 117. v. 11. Tam volubilis est in decretis voluntatis, quam in iudiciis intellectus, tam volubilis in iudiciis intellectus, quam in apprehensionibus phantasie, qui autem nescit istas esse instar colorem, qui tam varium reddunt Chameleontem? ad omnem aspectum variantur.

Janna  
1771